

ՀՀ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
НАЦИОНАЛЬНАЯ АКАДЕМИЯ НАУК РА

Պատմաբնաշխական
Խաղես
ИСТОРИКО-ФИЛОЛОГИЧЕСКИЙ ЖУРНАЛ

2012, 1 (189)

ՀՀ ԳԱԱ «ԳԻՏՈՒԹՅՈՒՆ» ՀՐԱՍԱՐԱԿՈՒԹՅՈՒՆ

ԵՐԵՎԱՆ

2012

ԵՐԵՎԱՆ

ՀԵՆՐԻԿ ԱԲՐԱՀԱՄՑՅԱՆ. Խորհրդային և հետխորհրդային հասարակությունը 1945–2011 թթ., Երևան, ԵՊՀ հրատ., 2011, 122 էջ:

Խորհրդային Միության պատմության, առավել ևս հետպատերազմյան տասնամյակների անկողմնակալ և հանգամանալից ուսումնասիրությունը, անկասկած, արժեորդում է ոչ միայն պատմության լուսաբանման առումով, այսինքն՝ ունի ոչ միայն պատմագրական նշանակություն: Այն որոշակիորեն կարեւորվում է նաև ԽՍՀՄ-ի վկուզումից հետո ի հայտ եկած բազում հիմնախնդիրների հիմնարար ճանաչողության, գնահատման ու դրանց լուծման նպատակով արդյունավետ քաղաքականության կիրառման համար. հանգամանք, որ վերաբերում է նաև տնտեսությանը, մշակույթին, ընդհանրական գիտությանը, կրթությանը, այլ կերպ ասած՝ արժեքային այն համակարգին, որը բովանդակում էր խորհրդային հասարակությունը, և որը, շատ կամ քիչ, ժառանգվել է Հայաստանի երրորդ հանրապետության կողմից:

Ներկայացվող աշխատության՝ համեմատարար սեղմ ծավալում Հ. Աբրահամյանը լուսաբանել է հետպատերազմյան առաջին տարիներին խորհրդային հասարակականքաղաքական կյանքում տեղի ունեցած առանցքային իրադարձությունները, 1950–1960-ական թվականների զարգացումները, Խորհրդային Միության՝ 1960–1980-ական թվականների ներքին և արտաքին քաղաքականությունը, այդ շրջանում խորհրդային համակարգում առաջացած ճգնաժամը, գորբաշովյան վերակառուցման քաղաքականությունն ու հետխորհրդային հասարակական կյանքում՝ ընդհուպ մինչև 2011 թ. ի հայտ եկած կարեւորագույն իրություններն ու գործընթացները:

Աշխատության մեջ հանգամանալից պարզաբանվել են իրուչչովյան դեկապարության կողմից ստալինյան անհատի պաշտամունքի հաղթահարման նպատակով ձեռնարկված քայլերը: Միաժամանակ քննական լույսի ներքո ներկայացվել է այդ

շրջանին բնորոշ ներկուսակցական և ներգաղաքական պայքարը, որը պատմագրության մեջ առ այսօր իմաստ տարբեր գնահատականների է արժանացել: Հեղինակն ըստ ամենայնի փաստում է, որ որքան էլ խրուչչովյան կառավարությունը փորձում էր ձերբագատվել տասնամյակների ընթացքում երկրում արմատավորված՝ կարծրացած աշխատանքի հին, բյուրոկրատական մեթոդներից, այդուհանդերձ, լիարժեք հաջողություն ունենալ չէր կարող. քանի որ այդ կառավարության անդամները կամ առնվազն նրանցից շատերը նույնպես մասնակցություն ունենալ եղել երկրում իրականացված օրինախախտումներին և, հետեւաբար, ունին նաև մեղսակցության իրենց բաժինը: Այդ իրավիճակն էլ, շարունակ խորացնելով երկրի զեկավարության ներսում առկա ներկուսակցական պայքարը, ի վերջո, պետք է հանգեցներ կարճ ժամանակ անց տեղի ունեցած՝ ամենքիս հայտնի փոփոխություններին, այն է՝ մի նոր, այսպիս կոչված, «բերենեյան» ժամանակաշրջանի սկզբնավորմանը, որի ընթացքում երկիրը սուզվեց տնտեսական, բարոյաքաղաքական նոր ճնշաժամի մեջ: Զնայած, ինչպես իրավամբ նշում է հեղինակը, բբեթնեյան նոր կառավարությունն իր հերթին, գիտակցելով կառավարման առկա, հին համակարգի անհեռանկարայնությունը, փորձում էր փոփոխել, առողջացնել և ավելի կինուսնակ դարձնել այդ համակարգը, այնուհանդերձ, ճգնաժամը շարունակ ավելի էր խորանում, և մինչև իսկ միութենական հանրապետություններին ավելի մեծ իրավունքներ տալու փորձերը դրա հաղթահարման հարցում էական տեղաշարժերի չհանգեցրեցին:

Հ. Աբրահամյանն իրավացիորեն դրահիմնական պատճառը համարում է այն հանգամանքը, որ որքան էլ երկրի զեկավարությունը տարբեր համաժամանակ համաժողովներում, տարբեր ամբիոններից բարձրածայնում էր

առկա հիմնախնդիրների, ինչպես նաև դրանց դեմ պայքարի անհրաժեշտության և ուղիների մասին, այդուհանդերձ ընդունված որոշումները հիմնականում մնում էին թղթի վրա, քանի որ երկրի քաղաքական վերաբարձրի շրջանում գերիշխում էր պահպանողական, հին և կարծրացած մտայնությունը, ինչն էլ խոչընդոտում էր պետական-հասարակական համակարգի բարեփոխմանը:

Մեծ Հետաքրքրություն են ներկայացնում նաև 1980-ական թվականների երկրորդ կեսի հետ կապված Հ. Աբրահամյանի քննական լուսարանումները: Այդ շրջանում գորբաչովյան վերակառուցման քաղաքականությունը ձգտում էր պետական և հասարակական համակարգի բարեփոխմանը որպես կապական նոր ընթացք հաղորդել. մի քաղաքականություն, որը, ինչպես պատկերավոր Հեղինակն է բնութագրում, փորձեց սոցիալիզմին նոր շունչ հաղորդել, այն արդիականացնել՝ առաջ քաշելով «սոցիալիզմը մարդկային դեմքով» նոր կարգախոսը և ձգտելով «արագացման» նոր կուրսով արագացնել նաև երկրի զարգացումը: Դա, սակայն, նույնպես մնաց անիրագործելի: Ավելին, գորբաչովյան «վերակառուցման» քաղաքականությունն ավարտվեց նրանով, որ փլուզվեցին Խորհրդային Միությունը և սոցիալիստական ողջ համակարգը:

Խորհրդային համակարգի ճգնաժամի և գորբաչովյան վերակառուցման քաղաքականության, հասարակության վերափոխման, ժողովրդավարացման, քաղաքական կուսակցությունների ձևավորման ուղղությամբ ի հայտ եկած նախաձեռնությունների բազմակողմանի վերլուծությունը, անկանած, հանդիսանում է աշխատության կարևոր արժանիքներից մեկը:

Հեղինակն իր ուսումնասիրության մեջ այնուհետև հանգամանալից անդրադառնում է ինչպես նոր թափյա հեղափոխություններին, որոնց արդյունքում ԽՍՀՄ-ի հենքի վրա առաջացան 15 նորանկափական հարապետություններ, այնպես էլ կենտրոնական և հարավ-արևելյան եզրոպայի մի շարք երկրներում սկսված նոր գործընթացներին, որոնք այնտեղ ևս հանգեցրեցին հին կարգերի վլուզմանն ու նոր կարգերի

ձևավորմանը: Տուրք չտալով այդ գործընթացների վերաբերյալ պատմագրության մեջ ի հայտ եկած իրարամերժ, հաճախ նաև իրատ ծայրահեղության համար տեսակետներին ու գնահատականներին՝ նա իրադարձությունները ներկայացնում է իրենց շղթայական կապի մեջ, մեկ ընդհանրական համատեքստում՝ ընթերցողին հնարավորություն ընձեռելով խնդրո առարկա հարցերի վերաբերյալ կատարել իր սեփական իրատեսական եզրականգումները:

Աշխատության վերջին բաժնում լուսաբանված են հետխորհրդային ժամանակաշրջանում նույնասատանի Դաշնության և ԱՊՀ մյուս պետությունների փոխհարաբերությունները: Այս առումով առանձնահատուկ հետաքրքրություն են ներկայացնում նորանկախ պետություններում տեղի ունեցած քաղաքական նոր զարգացումների, շուկայական տնտեսության կայացման և հարակից գործընթացների վերաբերյալ հեղինակի կողմից կատարված պարզաբանումները: Ուրախալի է, որ (ինչպես և պետք էր ակնկալել), այդ հարցերի շարքում առանցքային տեղ է զբաղեցնում հատկապես Ռուսաստանի Դաշնության ու Հայաստանի Հանրապետության երկողմ փոխհարաբերությունների և երկու երկների միջև իրավականակարության սկզբունքի վրա հիմնված նոր կարգի դաշինքի ձևավորման լուսաբանումը:

Եթե նկատի առնենք, որ պատմական իրադարձություններով չափազանց հարուստ այդ ժամանակաշրջանն առ այսօր հիմնականում մասնակի է լուսաբանվել, ապա Հ. Աբրահամյանի աշխատանքի կարևորությունն էլ ավելի ընդգծուն կդառնա: Նրա ուսումնասիրության մեջ, ըստ առանձին փուլերի, ներկայացվել են այն իրողությունները, որոնցով անցել են Խորհրդային բոլոր ժողովուրդները: Դրանք վերաբերում են ինչպես Հայրենական պատերազմից հետո ծավալված խաղաղ շինարարության գործընթացին, այնպես էլ երկու հակամարտ հասարակարգերի միջև «սառը պատերազմի» Հրազմանը, երկրի զարգացման հարավորությունների ոչ արդյունավետ օգտագործմանը, ներքաղաքական ճգնաժամի բնույթին և ընթացքին, ԽՍՀՄ-ի

փլուզմանն ու դրան հաջորդող գործընթացներին, որոնք, բնականաբար, այս կամ այն չափով վերաբերում են հայ ժողովրդին, ուստի որ շոշափելում են հայ ժողովրդին է ինչպես խորհրդային ետպատերազմայան, այնպես էլ ԽՍՀՄ-ի վլուզումից հետո անցումային հասարակական կյանքում տեղի ունեցած կարևորությունների, իրադարձությունների, հարկ եղած դեպքում նաև գրանցած պատմական գաղաքացումների և իրադարձությունների, հարկ եղած դեպքում նաև գրանցած պատմական գաղաքացումների և կապերի ու փոխազեցությունների պարզաբանմանը:

Ամփոփենք, պատմական գիտությունների դոկտոր, պրոֆեսոր Հենրիկ Աբրա-

համյանի՝ «Խորհրդային և հետխորհրդային հասարակությունը 1945–2011 թթ.» խորագիրը կրող աշխատությունը կարեւոր ներդրում է ինչպես խորհրդային ետպատերազմայան, այնպես էլ ԽՍՀՄ-ի վլուզումից հետո անցումային հասարակական կյանքում տեղի ունեցած կարևորությունների և իրադարձությունների, հարկ եղած դեպքում նաև գրանցած պատմական գաղաքացումների և կապերի ու փոխազեցությունների պարզաբանման առումով:

ԱՇՈՏ ՀԱՅՐՈՒՆԻ